




905021

Mag. St. Dr.


II


Mf.11787.



905021 II

Mag. St. Dr.





Mathesis

Grössz. 4^{te}

Crügeri Petri: Tetragonismus circuli per
lineas.

Mathes. 430.

TETRAGONISMVS
CIRCVLII

per lineas:

Quem

NICOLAUS RAIMARVS
FVNDAMENTO SVO ASTRONOMICO
transcursum inseruit,

EXPEDITIORI STRUCTVRA
ET EVIDENTIORI DEMON-
stratione
Productus

a

M. PETRO CRÜGERO
BORVSSO.



LIPSIÆ

MICHAEL LANTZENBERGER
EXCVDEBAT.

ANNO M. DC. VII.

*Contra S. Tetragonismi script
Adrianus Romanus.*

905021

II

Mag. 87. 2.





Magnificis & Amplissimis

DOMINIS

COSS. & SENATVI

FLORENTISS. REIPVB.

DANTISCANAE:

Dominis & Patronis

etiam atq; etiam honorandis.



*Obis, augusti Proceres, hos
meos consecrare labores & de-
bui & volui. Debui; quia pro
benevolo, quem in Rep. vestra
publicè privatimq; expertus
sum, affectu dudum grata
mentis vestigium exhibere debui. Volui etiam,
quia volentem volentia vestra fecit, & scripti
materies. Notum mihi singulorum in mea
studia studium: notus universorum in Geome-
triam amor; quem (audacter loquor, quia ve-
re) pra*

rè) præceteris omnibus istius ora civitatibus
impensè fovetis. Et eo quidem nomine, utrum
Vobis potius an Mathematica gratuler, incer-
tus sum. Id certò constat, & doctrinam hanc
tantis cultoribus, & cultores hos tantà doctri-
nà dignissimos. Quæ ut satis illustria sunt, ita
meis frugum Geometricarum primitiis alios
meditari patronos dissuadet loci vestri Genius.
Quocirca paucas has pagellas eò, quo in presen-
tem eratis, animo suscipite; meiq; si quod est,
ingenii fœtum primogenitum vestro, Viri ma-
gni, gremio fovete, ac studiis meis, quod facitis,
favete. Sic *ÆOLVS OPT. MAX.*
vela Reip. vestra feliciter dirigat, perq; borea-
les Aquilonis & Euri tempestates incolumi cur-
su traducat. Ex Academia Lipsiensi, prid.
Cal. Martias, Anni 1607.

VV. Magn. & Ampl.

addictiss.

M. Petrus Crügerus.

DE QVA.



D E Q V A D R A T V R A C I R C V L I.



Rgumentum aggredior inter Mathematica difficillima non postremum, & omnium jam inde ab ævo prisco nobilium ingeniorum perpetuum exercitium. Itaq; morum temporumque gnarus, me variis variorum judiciis expositum iri, non sum nescius. Quæ tamen tantum abest ut formidem, ut ultrò etiam ea subeam. Non enim gloriabundus in publicum prodeò, sed impulsus causa, quam paulò post aperiam. Scio nonnullis Circuli quadrationem multis de causis *ἐξ ὧν ἀδυνατὸν* haberi, quarum quæ præcipua est, omninò falsam esse constat vel leviter saltem Geometricis elementis imbuto. Cur enim, si recti nulla sit ad curvum ratio, *Circuli sunt ut à diametris quadrata; diametri ut peripheria*? quarum invicem proportionem etiam permutatam, quamvis numero non explicabilem, astruit Geometria. Quin & paraboles tetragonismum ab Archimede traditum ac demonstratum omnes hæcenus adprobarunt: eundem ergo cur Circulo derogant, figuræ multò regulariori? Quibus aliisq; rationibus moti non pauci quadraturam circuli non omnino quidem impossibilem statuerunt, sed tamen, cum eam à plerisq; viderent vel frustrà tentatam vel non satis demonstratam, de ejus inventione spem omnem abjecerunt. Verùm *malè de naturâ censet*, inquit Lud. Vives lib. i. de causis corrupt. art. *quicunq; uno illam alterove partu exhaustam esse arbitratur: cur se non putent aliquid excussuros, si annitantur*? Et certè hoc seculo, ingeniorum doctrinæq; , si quod unquam, fertilissimum, quid non speremus? Ego multa latere in omnibus fermè disciplinis arbitror, quorum inventionem sæpe non difficilem posterì mirentur nobis neglectam.

Ceterùm quum præ aliis illi potissimum quadrandi Circuli modo, quem à Simone quodam de Quercu primitus inventum Nicolaus Raimarus Fundamento suo Astronomico inseruit, firmam subesse demonstrationis vim animadverterem, & ta-

men cum ipsam fabricam scrupulosâ difficultate, tum demonstrationem aliquâ obscuritate, laborare cernerem: rem post-hac intentius indigitare cœpi, & principio fabricam expeditiorem, inde demonstrationem etiam in adscripto XCVI laterum polygono procedere deprehendi. Tandem ratio, dato quadrato æqualem Circulum describendi, quam Raimarus ne verbo quidem attigit, me diu quidem sollicitum habuit. Erui tamen & eam: atq; ita Quadraturam integram, non sine viri magni suâsu, (quod bene verat) luci committo publicæ. Neq; enim candidas eruditorum censuras subterfugere mens est. Quin hoc mei quicquid est laboris apud Viros Mathematicos non improbarum iri confido.

Quæ cum ita paucis in vestibulo præfatus sim, ad rem ipsam protinus ingrediemur, eo gradu, ut primo necessaria tum ad constructionem, tum ad demonstrationem videamus theoremata & problemata; non quidem omnia ea, quæ Raimarus adhibuit (eorum enim vix duobus retentis reliqua tanquam supervacanea rejecimus;) sed ab iis longè diversa, quorum nonnulla jam ab Euclide atq; aliis abundè demonstrata sunt, nonnulla nobis per ea ipsa tanquam principia demonstrabuntur. Quibus omnibus, ut validis fundamentis, ipsum tandem tetragonismum superstruemus.



PROBL.




PROBL. I. PROPOS. I.

Datâ rectâ lineâ, à quovis in ea dato puncto perpendiculararem erigere.

E medio vel circa medium: Si è dato datâ rectâ puncto duæ partes utrinq; secantur æquales, & à sectionum punctis duæ æquales peripheriæ concurrant; recta à dato puncto in concursum peripheriarum, erit perpendicularis super datam. 9. c. V. R.


Sit data recta AB, & punctum in eâ datum C, è quo erigenda perpendicularis. E dato puncto C abscindantur à data AB (per post. 2. si opus sit, continuata) portiones utrinq; æquales CD, CE; & à punctis abscissionum D & E duæ æquales peripheriæ describantur, concurrentes in F. Dueta recta CF perpendicularis erit super datam, per 11. p. I. Eucl. Eodem modo data recta bisecatur: nam si duæ æquales peripheriæ à terminis data rectæ utrinq; concurrant, recta per puncta concursus bisecabit datam rectam, per 10. I. Eucl.



Ab extremitatibus: Si è centro extra datam ubi-vis assumpto peripheria, datam in alio præter datum terminum puncto intersecans, describatur, & ex intersectionis puncto diameter ducatur; recta ex altero diametri termino in datum demissa, erit perpendicularis datæ.

Sit data

Sit data GH , à cuius extremitate G erigenda perpendicularis. Centro I , intervallo IG , describatur peripheria KL per punctum datum G & aliud in data L : ex puncto deinde L diameter peripherie ducatur LIK ; quo facto recta à G ad K excitata erit perpendicularis datae GH .
Clavius ad 11. I. E.




PROBL. II. PROP. II.

In datam rectam à quovis extra eam dato puncto perpendicularem demittere.

Circa medium: Si pars datae rectae secetur à peripheria è dato extra eam puncto: recta à dicto puncto bisecans dictam partem, erit perpendicularis super datam. 10. e. V. R.


Sit data recta $\alpha\beta$, & punctum extra datum γ : è quo descripta peripheria $\alpha\delta\beta$, abscindat è data portionem $\alpha\beta$: qua per 1. huius bisecetur in ϵ . Epuncto dato γ in punctum bisectionis ϵ demissa recta perpendicularis erit super datam, per 12. I. E.



Circa extremitates: Si è diversis in data centris per datum punctum peripherie infra & supra datam describantur; recta per concursum peripheriarum, perpendicularis erit super datam.

Sit

Sit data AE , punctum datum
 I : assumtis in data centris O & V
 describantur duæ peripheria sese in-
 tersecantes supra datam in puncto
 dato I , infra in Y . Recta igitur IY ,
 vel IZ , perpendicularis est super da-
 tam AE . Clav. ad 12. I. E.




PROBL. III. PROP. III.

*Datam rectam proportionaliter siue ex-
 trema ac mediatione secare.*


Si quadratum fiat è data recta; rectæ ab an-
 gulo facti ad medium contermini lateris differen-
 tia supra dimidium erit majus segmentum datæ
 proportionaliter sectæ. R. 3. XIII.

Proportionaliter datam secare
 est ita eam secare, ut se habeant si-
 cut tota ad segmentum majus, ita
 segmentum majus ad minus. Sit data
 AB proportionaliter secanda. Fiat
 Quadratum $ABCD$, & ab angulo
 Quadrati B ad E medium contermi-
 ni lateris ducatur recta BE ; qua
 comparetur dimidio EA , & appare-
 bit differentia AF . Ea ipsa differen-
 tia translata in datam erit majus
 segmentum proportionaliter sectæ,
 per 11. 11. & 30. VI. Eucl. hoc est,



erit ut AB ad AG , sic AG ad GB .

Idem compendiosius effici licet hoc modo: Ad alterutrum data terminum A per 1. hujus erigantur utring. perpendiculares AD , AF , ipsi datae AB aequales. Deinde bisectâ alterutrâ perpendiculari AD in E , capiatur intervallum subtensa EB , & centro E transferatur in alteram perpendicularem AF , quæ eo ipso secabitur proportionaliter in puncto H : & segmentum AH æquale erit segmento datae AG , ut & segmentum HF segmento GB .



Hinc

Si recta proportionaliter secta majore sui segmento continuetur; recta sic continuata, in ipso continuationis puncto proportionaliter secta erit, cujus majus segmentum erit data.

Ut in primo diagrammate AD , hoc est AB , majori segmento AF , hoc est AG , continuata, ut fiat tota DF , erit ipsa proportionaliter secta in A , & data AD (hoc est AB) erit segmentum majus, per 5. XIII. Eucl.


PROBL. IV. PROP. IV.

Inter duas rectas mediam proportionalem invenire.

Si recta continuata è duabus datis fiat diameter Circuli; perpendicularis à puncto continuatio-

nuationis in peripheriam erit proportionalis inter
 datas. Finck. 7. IV.

Sint due data AB ,
 BC , ita continuata, ut
 sint diameter Circuli ex
 E describendi. Descripto
 itaq. Circulo ADC , è
 puncto continuationis
 B per 1 . hujus in periphe-
 riam perpendicularis e-
 rigatur BD : qua per 13. VI. Eucl. proportionalis erit in-
 ter da-
 tas AB & BC . Hoc est, erit ut AB , ad BD , sic BD ad BC .



THEOR. I. PROP. V.

Si tres rectæ sint proportionales; quadratum
 mediæ æquatur oblongo extremarum: & contrà
 Euclid. 17. VI.

Quia nempe media bis ponitur; ita ut vigorem duarum
 obtineat: rectangulum autem sub mediis inter 4. proportiona-
 les comprehensum per 16. VI. E. æquale est comprehenso sub ex-
 tremis. Hinc promanat sequens problema.

PROBL. V. PROP. VI.


Dato parallelogrammo æquale quadra-
 tum constituere.

Si parallelogr. duo latera contermina fiant
 diameter, & è puncto continuationis in periphe-

B 2 riam

riam perpendicularis excitetur; erit ea latus Quadrati parallelogrammo æqualis.

Vt in presenti schemate parallelogrammi ABCD continuatis lateribus AB, BH, & per 4. hujus ex B erectâ proportionali BG, erit ex eâ Quadratum BGFE parallelogrammo dato æquale per proximè præced.



PROBL. VI. PROP. VII.


Tribus datis rectis quartam proportionalem invenire.

Sit trium datarum duæ priores secundum rectam continuatæ cum tertia angulo quocunque connectantur, & reliqui primæ tertiæq; termini rectâ jungantur, eiq; à secundæ termino parallela ducatur; segmentum tertiæ continuatæ inter parallelas interceptum erit ad tertiam, ut prima ad secundam.

Sint tres datæ AB, BC, AD, quibus invenienda quarta proportionalis. Disponantur AB, BC secundum rectam lineam AC: cui tertia AD connectatur angulo A quocunque. Iungantur D & B rectâ DB, cui ex C agatur parallela CE.

Continua-

Continuatâ AD in E e-
rit DE quarta proportio-
nalis quasit a, hoc est, erit
ut AB ad BC, sic AD ad
DE, per 12. VI. Eucl.




PROBL. VII. PROP. VIII.

*Datum angulum planum vel arcum Cir-
culi bisecare.*

Si duæ æquales peripheriæ à terminis æqua-
lium crurum dati anguli rectilinei antè concur-
rant, recta à concursu ad verticem bisecabit an-
gulum datum. R. 6. V.

Esto angulus AEI bisecandus. Centro E abscondantur
æquales crurum porciones (nam hæ loco
æqualium crurum habentur) & à punctis
æquationum O & V duæ è regione angu-
li describantur æquales peripheriæ concur-
rentes in Y. Ducta recta à concursu peri-
pheriarum in angulum bisecabit eundem
per 9. I. E.




In bisecandis arcibus Circuli, crurum
æquatione non est opus, cum per 15. d. I. E.
angulorum ad centrum constitutorum
Crura sint æqualia.

THEOR. II. PROP. IX.

Si recta in rectas parallelas incidat, angulos similes similiterq; aut alternatim sitos facit æquales. *Euclid. 29. I.*

Vt si recta AB incidat in parallelas CD, EF; angulos similes similiterq; sitos BHD & BGF, item alternatim sitos CHG & HGF, æquales facit &c. Ratio est evidens. Nam si


AB recta est, recta CD & EF æqualiter inter se distare non possunt, nisi ad rectam AB æqualibus angulis inclinentur. Pitiscus 38. p. I.



THEOR. III. PROP. X.

Trianguli planitres anguli simul sumti sunt æquales duobus rectis. 32. I. *Euclid.*

Trianguli namq; uno latere producto angulus exterior æquatur duobus interioribus oppositis: velut in presenti figura angulus ACD, angulis A & B. Nempe ductâ CE, parallelâ ipsi BA, per 9. hujus erunt anguli alterni ACE



& A, æqua.

& A , aequales; iidemq. similiter siti $E C D$, & B . Jam quoniam per 13. I. Eucl. anguli super ead. recta ad idem punctum concurrentes sint aequales duobus rectis, & angulus exterior $A C D$ (ex duobus, $A C E$, & $E C D$, compositus) duobus interioribus A & B , sit aequalis; addito communi $A C B$, erunt duo $A C D$ & $A C B$, duobus rectis aequales. At iidem etiam sunt aequales tribus interioribus: Ergo & interiores duobus rectis erunt aequales. Hinc

1. Datis angulis quibuscunq; duobus datur tertius.

Est enim duorum datorum ad duos rectos complementum; ut si in proposito schemate angulus B sit 53, A 65; summa 118 subtracta duobus rectis relinquit tertium $A C B$ 62. Et

2. In triangulis rectangulis acutorum alter est alterius complementum.


Uterq. enim conjunctim constituunt rectum alterum.

THEOR. IV. PROP. XI.

Angulus in semicirculo rectus est. 31. III. Eucl.

Ut angulus $A B C$. Ducto enim radio $B D$, & protensa $A B$

in F ; quoniam recta $D A$, $D B$, aequales sunt, erunt, per 5. I. Eucl. anguli $A B D$, $B A D$, aequales. Eadem ratione aequales erunt anguli $D B C$, $B C D$: ideoq. totus



$A B C$ duobus $B A C$, $B C A$ aequalis erit. Est autem & externus $F B C$ per 10. hujus, duobus istis aequalis. Atq. ita anguli deinceps $F B C$, $A B C$, sunt aequales: Ergo recti.

THEOR.

THEOR. V. PROP. XII.

Triangula æquiangula seu similia habent latera circum æquales angulos proportionalia, & contrà. 4. VI. Eucl.

Quia sc. anguli BAC & DAE, itemq. ADE & ABC ex thesi sunt æquales: Ideo si AB ad AD ita applicetur ut AC in AE cadat, reliqua latera BC & DE necessario erunt parallela per 9. hujus.

Atq. ita in triangulo ADE recta BC parallela basi DE

per 2. VI. Eucl. crura AD & AE secant proportionaliter, ut sit velut AD ad AB, sic AE ad AC. Ducta porro per B recta BF parallela basi AE, secabit eadem crus reliquum DE proportionaliter in F, ut sit velut AD ad AB, sic ED ad EF: velut AB ad BD, sic EF sive CB ad ED. Atq. ita, cum EF & CB æquantur, erit etiam


Ut AB ad BD, sic AC ad CE, &

Ut AB ad BD, sic BC ad DE, &

Ut AC ad AE, sic BC ad DE. Erunt itaq. in universum triangulorum æquiangulorum latera circa æquales angulos proportionalia.


THEOR. VI. PROP. XIII.

In triangulo rectangulo perpendicularis ex angulo recto in basin facit triangula similia inter se & toti. 8. VI. Eucl.



Ut in

ut in triangulo ACB
perpendicularis AD ex an-
gulo recto A in basin CB de-
missa facit duo triangula A
 CD , ADB similia inter se,



& toti ACB . Cum enim in triangulis ABC , DBA , anguli
 BAC & ADB , sint recti, & angulus B communis, erunt & re-
liqui ACB & DAB per 10. hujus aequales. Igitur triangula
 DBA , ABC erunt equiangula, ac proinde per 12. hujus habe-
bunt latera circum aequales angulos proportionalia, hoc est, erit
ut CB ad BA , sic BA ad BD ; & ut BA ad AC , ita BD ad
 DA ; & ut BC ad CA , sic BA ad AD . Atq; ita triangulum
 ADB simile est toti ABC . Eodem modo demonstratur reli-
quum triangulum ADC simile esse toti ACB . Nam anguli
 BAC , & ADC , recti sunt, & angulus C . communis; ac proin-
de reliqui, ABC , CAD , etiam erunt aequales. Quare & a-
quiangula erunt, atq; ita ADC simile toti ACB . Tandem
hinc convincitur triangula CAD & ADB quoq; similia esse:
nam anguli ADC , ADB , recti sunt; & angulos ABD , &
 CAD , etiam aequales esse modo ostensum est, ut & angulos
 DAB & ACD . Quare hac duo triangula sunt inter se & to-
ti similia.

THEOR. VII. PROP. XIV.


Si trianguli rectanguli tria latera sunt conti-
nuè proportionalia; perpendicularis ex angulo
recto demissa secat basin extrema & media ratio-
ne: & contrà, *Clav. sch. XIII. ad 33. p. VI. Eucl.*

In triangulo rectangulo ABC tria latera sint continuè
proportionalia. Si ergo ex angulo A per 11. hujus recto demitta-

C

tur

tur perpendicularis AD ,
secabit ea basin BC ex-
tremâ ac media ratione
in D . Quoniam enim
est, ut BC ad AB , ita
 AB ad AC ; est autem
ut BC ad AB , ita AB



ad BD , quod AB media proportionalis sit inter BC & BD
per coroll. 8. p. VII. Eucl. erit per 11. quinti ut AB ad AC , ita
 AB ad BD ; ac proinde per 9. V. æquales erunt AC & BD .
Ut igitur AC ad CD , ita per 7. V. BD ad CD . sed ut AC ad
 CD , ita BC ad AC , quod per Coroll. 8. p. VI. $E. AC$ sit media
proportionalis inter BC & CD . Igitur per 7. quinti erit etiam
 BC ad AC h. e. ad BD , ut AC h. e. BD ad CD . Ac pro-
pterea BC , in D , secta erit extrema ac media ratione. Itaq;
(inquit Clavius d. l.) si super datam rectam BC construendum
sit triangulum rectangulum, cujus latera continuè proportio-
nalia sint, secunda erit data recta BC extrema ac media ra-
tione in D . Descripto deinde semicirculo BAC circa eandem
datam BC , erigenda erit ad BC perpendicularis DA , jungen-
daq; rectæ BA , CA . Triangulum enim ABC propter angu-
lum A in semicirculo rectum, erit rectangulum; ac proinde cum
perpendicularis AD secet basin extrema ac media ratione; tria
latera continuè erunt proportionalia. Quæ deinceps duo sequun-
tur theoremata cum suis consecariis, Raimari sunt: quæ propter
ea ferè verbotenus huc transferemus, diagrammatis tamen aliis
adhibitis.


THEOR. IIX. PROP. XV.

Linea recta arcui peripheriæ subtensa, ipso
cui

cui subtenditur, arcu minor est: arcum autem tangens & inter peripheriæ, cujus est arcus, radios per terminos arcus infinitè continuatos comprehensa, ipso arcu quem tangit, major est.

Est primum Raimari Elementum: intellectu facile.

Recta DE arcui DGE subtensa ipso arcu minor est per c. 5. e. II. R. perq. 2. p. III. Eucl. Recta verò FH tangens arcum DGE in G, & comprehensa inter radios AD, AE per terminos arcus D & E continuatos in F & H, ipso arcu DGE major est. Triangulum enim AFH majus est comprehensum inter se sectore ADGE per e. 34. p. IV. At horum utriusq. altitudo AG equalis est: Ergo reliqua dimensio nempe basis FH trianguli AFH, major erit sectoris basi DGE. Hinc consecretaria:



1. Cujuslibet arcus quantitas versatur inter quantitatem subtensæ, & inter quantitatem tangentis, inter radios circuli, cujus est arcus, per terminos arcus infinitè continuatos comprehensæ.

2. Tota perimeter polygoni ordinati circulo in scr minor est ipsâ circuli peripheriâ: tota verò perimeter polygoni ordinati circumscripti peripheriâ Circuli major est; & contrà.

C 2

1. Qua-

3. Quadrans perimetri cuiuscunque polygoni ordinati circulo inscripti minor est quadrante peripheriæ ejusdem Circuli: quadrans autem perimetri polygoni circumscripti major est quadrante peripheriæ ejusdem.

Sextum hoc est consecrarium elementi primi Raimariani, secundo merito subjungendum.

4. Quantitas totius peripheriæ Circuli est inter quantitates perimetrorum polygoni ordinati Circulo inscripti & circumscripti: Consequenter & quadrantis peripheriæ quantitas inter quantitates quadrantum perimetrorum eorundem.

*Comprehendimus hoc uno Raimari quartum & quintum
1. elem. Consecrarium: reliquis. puta tercio & septimo, omisis.*

THEOR. IX. PROP. XVI.

Si recta, æqualis quadranti perimetri cuiuscunque multanguli ordinati circumscripti, circulo ab alterutro diametri termino inscribatur, & extra circulum in tangentem, ad alterum diametri terminum perpendiculariter versus idem latus infinitèeductam, continuetur; abscindet continuata à dicta tangente segmentum inter diametri terminum & abscissionis punctum inscriptum majus: æqualis autem quadranti perimetri multanguli (ad alterum homologi) inscripti eodem modo
conti-


ABC angulus ad C propter parallelas AC, IL, per 9. hujus aequatur angulo I trianguli CIL: ac proinde per 10. hujus triangulorum ABC, CIL, anguli ad A & C etiam aequales erunt. Ideo, cum sint haec duo triangula similia, erunt eorundem latera circum aequales angulos, per 12. hujus, proportionalia; hoc est, erunt ut AC ad CB, sic CI ad IL, & ut AC ad AB, sic CI ad CL &c. sed CI ex structura aequatur diametro AC, ergo IL aequatur ipsi CB: igitur & reliqua AB, CL latera aquantur. Atqui latere CL, hoc est, inscripta AB, multo majus est abscissum segmentum CF per 9. ax. Eucl. quod erat demonstrandum. Eodem modo trianguli AGC angulus ad G in semicirculo rectus est; rectus item per struct. angulus ad M in triangulo CKM: trianguli deinde AGC angulus ad C, propter parallelas AC, KM, per 9. hujus aequatur angulo K trianguli CKM: Ergo & reliqui ad A & C anguli triangulorum AGC, CKM, aquantur. Unde triangula constat esse similia, lateribusq. circum aequales angulos proportionalia. Sed CK aequalis est per structuram diametro AC, ergo & reliqua dictorum triangulorum latera ad invicem erunt in ratione aequalitatis, & ita CG aequalis est ipsi KM, & AG aequalis ipsi CM. Atqui CM, vel ipsi aequalis AG, major est abscisso segmento CH: quod erat propositum. Constat igitur utraq. pars theoremat. Hinc itaq.

Si recta, aequalis quadranti peripheriae Circuli, eidem Circulo ab alterutro diametri termino inscribatur; per continuationem abscinder à tangente segmentum aequale; & contra.

Manifestum hoc est ex precedentibus. Cum enim quantitas quadrantis peripheriae per 4. cons. 15. hujus versetur inter quantitates quadrantium perimetrorum adscripti polygoni; & verò

Tabl I
1124/11

Ad pag. 17



verò iam modo demonstratum sit, rectam aequalem quadranti perimetri polygoni circumscripti, circulo inscriptam per continuationem abscindere segmentum à tangente minus; polygoni verò inscripti segmentum majus: necessario quadranti peripheria circuli aequalis abscindet segmentum aequale, Et contrà: inscripta per continuationem abscindens segmentum sibi met aequale, erit aequalis quadranti peripheria.

Asscribamus Circulo Archimedea ratione multangulum laterum XCVI. hoc modo: Semicirculus ABC ex centro D descriptus dividatur in duos quadrantes Aa, & C, & termino a versus C inscribatur radius a E; pro latere sexanguli, $\frac{2}{3}$ anguli recti subtendente. Ducatur tangens per rō. III. Eucl. CF, & radius DE continuetur in F; erit angulus CDF $\frac{1}{3}$ recti, atq; adeò arcus CE $\frac{1}{2}$ totius peripheria. Bisecetur angulus CDF; erit CDH $\frac{1}{6}$ recti, adeòq; arcus CG $\frac{1}{4}$ peripheria. Quo rursum bisecto erit angulus CDI $\frac{1}{12}$ recti, atq; arcus CS $\frac{1}{8}$ peripheria. Hoc etiam bisecto erit CDK $\frac{1}{24}$ recti, & arcus CN $\frac{1}{16}$ peripheria: Subtensa igitur CN latus inscripti polygoni XCVI. laterum. Tandem angulo CDK bisecto erit CDL $\frac{1}{48}$ recti, atq; adeò tangens CL latus circumscripti 192. laterum polygoni; cuius dupla LM latus polygoni circumscripti 96. laterum. Latus hoc vicies-quater sumtum quadrans est perimetri polygoni 96. laterum circumscripti: ut & CN toties repetitum, quadrans perimetri inscripti. Utriq; aequalis recta, quasi QR, OP (seorsim posita) Circulo termino diametri alterutro A inscribatur; inscripti AP, circumscripti AR. Manifestum est, & per proximè precedentia demonstrabile, segmentum tangentis (per post. 2. continuata) CX majus esse ipsa inscripta AP: & CT minus ipsa AR. Inquisita verò & inscripta AB, intra ipsas AP & AR, aequalis est abscisso segmento

CV. Er-

CV. Ergo vel AB vel CV aequalis est quadranti peripheriæ Circuli, cujus diameter AC.

Atq; hic subsistit Quadratura Raimari. Sic enim habet elementum fabrica:

Si recta, Circulo ab alterutro diametri termino inscripta, per peripheriam extrâ in tangentem, ex altero diametri termino versus idem latus perpendiculariter erectam, continuetur, donec à dictâ tangente sibi ipsi æquale segmentum absciderit; æquabitur ipsa inscripta, vel ei æquale abscissum segmentum, quadranti peripheriæ Circuli.

Sed cum hujus æqualitatis investigatio, præsertim in figuris minoribus, tum molesta nimis, tum errori facili obnoxia sit; merito desideratur expeditior & compendiosior, quam seq. propp. exhibemus.


THEOR. X. PROP. XVII.

Si recta æqualis quadranti peripheriæ, Circulo ab alterutro diametri termino inscribatur; perpendicularis ab altero inscriptionis termino in diametrum demissa secat eandem extrema ac media ratione.

In adjuncto diagrammate, dico à termino B inscriptæ AB (quadranti peripheriæ per c. 20. hujus æqualis) demissam perpendicularem BD secare diametrum AC extrema ac media ratione in D.

Ductâ namq; CB, quoniam perpendicularis BD ex angulo ABC per 11. hujus recto, in basin AC decedit, facit duo triangula

triangula ABD , BDC , per A
 13. hujus similia inter se &
 toti ABC . Continuata pra-
 terea AB infinitè, ductâq;
 CV parallela ipsi DB , conti-
 nuata occurrente in V , fiunt
 anguli alterni BCV , DBC
 (i.e. angulus CAB per 1.d.VI.
 E.) æquales: Et quoniam tri-
 angulorum ABC , BCV , an-
 guli ad B recti sunt, erunt &
 reliqui, ACB , CVB , æqua-



les: atq; ita triangulum ABC triangulo CBV erit æquiangu-
 lum, adeoq; erit ut CA ad AB , sic VC ad CB . Hinc patet,
 trianguli ABC tria latera esse continuè proportionalia: ac pro-
 inde perpendicularis DB diametrum AC , per 14. hujus, extre-
 ma ac media ratione secatur in D . Nuncigitur expeditior eva-
 dit fabrica tetragonismi, ut sequitur.

PROBL. VIII. PROP. XVIII.


*Dato circulo æquale quadratum con-
 struere.*

Si dati circuli diameter extrema ac media ra-
 tione secetur, & è sectionis puncto perpendicu-
 laris ad peripheriam erigatur: oblongum è diame-
 tro & hypotenusa, rectum perpendiculari & ma-
 jori segmento inclusum subtendente, redactum in
 quadratum, erit æquale Circulo.

D

Esto

Esto circulus $ABCD$, quadrandus. Secetur diameter AC , per 3. hujus, proportionaliter in E : & ex E , per 1. hujus, perpendicularis ad peripheriam excitetur EB . Recto deinde angulo AEB , comprehenso sub segmento diametri majore AE , & perpendiculari EB , subtendatur hypotenuſa AB . Ex AB & diametro tota AC fiat oblongum $AFGC$, cui per 6. hujus consti-




tuatur æquale quadratum $HIKC$. Dico quadratum illud $HIKC$ æquale esse Circulo $ABGD$. Quoniam enim per 15. & ejus cons. per 16. & ejus cons. abundè demonstratum est, quadrantem peripheriæ versari intra quadrantes adscriptorum multangulorum regularium; & rectam AB , à tangente CK æquale sibi segmentum CK abscindentem, omninò cadere intra rectas, æquales quadrantibus perimetrarum inscripti & circumscripti polygoni, circulo ab eodem diametri termino inscriptas: indubi-

indubitatè per conf. 16. p. hujus, sequitur, ipsam AB exactè æqualem esse quadrantì peripheriæ. Demonstratum etiam est per 17. hujus, perpendicularem BE à terminò B inscriptæ AB in diametrum demissam, secare diametrum extrema ac media ratione in E . Unde per conversam ejusdem 17. sequitur, si diameter circuli secetur extrema ac media ratione, & è proportionalis sectionis puncto perpendicularis ad peripheriam erigatur; rectam, angulo recto inter perpendicularem & segmentum majus contento subtensam, æqualem esse quadrantì peripheriæ. Quibus ita satis superq. demonstratis, ex ordinatorem planorum geodesia notum est, planum è radio & peripheriæ dimidio esse aream Circuli; item planum è diametro & peripheriæ quadrante, planum è semiradio & peripheriæ, esse aream circuli. Quocirca si vel ex radio & AB dupla, vel ex diametro & AB simpla, vel ex semiradio & AB quadrupla, rectangulum oblongum construatur, ipsum oblongum erit æquale Circulo; ut nostrum $AFGC$ ex diametro AC & inscriptæ AB . Consequenter huic æquale, quadratum per 6. hujus extractum $HIKC$ simul erit æquale Circulo $ABCD$: quod erat propositum.

THEOR. XI. PROP. XIX.

Si recta è duabus rectis, quarum una est æqualis quadrantì peripheriæ, altera diameter, continuata secetur proportionaliter; punctum continuationis duarum datarum est medium excessus majoris segmenti supra continuatæ proportionaliter sectæ dimidium.

Demonstratione res non habet opus. Sint due rectæ AB , BC : AB quidem diametro, BC verò quadrantì peripheriæ æqualis; continuata, ut efficiant unam rectam AC , cujus dimidium



diūm AD. Secetur AC proportionaliter in E. Excessus itaq;
majoris segmenti AE supra dimidium totius proportionaliter
secta est DE, cujus medium B, punctum sc. continuationis
duarum rectarum AB, BC, quod ad oculum patet. Hinc ori-
tur cyclogonismus (licet ita loqui) Quadrati.


PROBL.

PROBL. IX. PROP. XX.

Dato quadrato, lineam rectam quadranti peripheriæ & diametro continuatis, quadratoq; competentibus, æqualem reperire.

Si recta lateri quadrati dupla secetur proportionaliter, & è medio proportionaliter sectæ, perpendicularis, lateri quadrati æqualis, erigatur; hypotenusæ, ad medium excessus majoris segmenti supra quadrati latus, constituta, erit dimidia rectæ quæsitæ.

Ad describendum Circulum, dato quadrato æqualem, opus est inventionem lineæ æqualis quadranti peripheriæ & diametro secundum rectam continuatis, qualis est in preced. prop. lineæ AC. Non enim duo quadrati latera æquantur duobus lateribus oblongi è diametro & quadrante peripheriæ constructi; propterea quod media proportionalis, latus sc. quadrati ex illo oblongo constructi, per 7. III. Eucl. minor sit dimidiâ ex diametro & quadrante peripheriæ compositâ: velut in preced. prop. BF minor est ipsâ GD, hoc est AD. Nempe duo quadrati latera minora sunt ipsâ AC duplo tanto, quanto GD excedit latus quadrati BF. Igitur ante inquirendam Circuli diametrum defectus hic laterum quadrati restituendus est hoc peculiari problemate: Quadrati HIKC latera duo quæcunq; CK, KI, disponantur secundum rectam lineam CL: è cuius medio K perpendicularis erigatur KI, æqualis lateri quadrati. Sectâ deinde lineâ CL proportionaliter in M, erit majus segmentum CM; excessus supra latus quadrati KM, cuius medium N: è quo subtendatur ad perpendicularis terminum I hypotenusæ NI; cuius dupla αβ erit



æqualis diametro & quadranti peripheria continuatis quadratoꝝ competentibus, per conversam præced. hoc est, erit $a\beta$ æqualis ipsi AC prop. præc. quod erat quæsitum.

a

b


PROBL. X. PROPOS. XXI.

Dato quadrato æqualem Circulum describere.

Si quadranti peripheriæ & diametro continuatis inventa æqualis recta secetur proportionally; majus segmentum, minus dimidio excessu supra sectæ semissem, est diameter Circuli.

Esto quadratum prius $HIKC$, cui describendus æqualis Circulus. Inventæ per prop. præced. linea $a\beta$, quadranti peripheriæ & diametro, secundum rectam continuatis, æqualis, secetur propor-

proportionaliter in γ . Medium autem totius $\alpha\beta$ est δ . Excessus ergo segmenti majoris est $\delta\gamma$, cujus medium ϵ . Erit jam $\alpha\epsilon$ diameter, è cujus medio descriptum Circulum $\beta\zeta$ et dico æuari dato quadrato $HIKC$.



Quia namq; per p. 19. punctum continuationis diametri circularis & recta, peripheria quadranti æqualis, est in medio excessu majoris segmenti supra continuata proportionaliter secta dimidium; erit per conversam, segmentum majus, minus dimidio excessu supra ejusdem secta dimidium, diameter Circuli. Vel: semisse istius continuata proportionaliter secta, majus segmentum, minus dimidio excessu supra secta dimidium, erit radius Circuli. Utraq; verò recta proportionaliter secunda inveniebatur problemate precedente.

COROL.

COROLLARIA.

I.

Data cuicunq; periphæria lineam rectam aequalem invenire.

Seçta diametro exempli gratia in prop. 18. A C proportionaliter in E, & ex E erecta ad peripheriam perpendiculari EB, erit hypotenusæ A B quadrupla æqualis periphæriæ, per antè demonstrata.

II.

Data cuicunq; linea recta circumferentiam aequalem exhibere.


Assumta diametro & periphæria quacunq; (usurpari etiam posset diag. pag. 17. vel 20.) quærat per 18. hujus & segmentum diametri majus & subtenfa quadranti periphæriæ æqualis. Tribus deinde rectis, A B subtenfa æquali quadranti periphæriæ, A E, majori diametri segmento, & quadranti data rectæ, quærat per 7. hujus quarta proportionalis: ea erit segmentum diametri majus; quod ipsum proportionaliter sectum & majori suo segmento continuatum per conf. 7. hujus dabit integrum æqualis periphæriæ describendæ diametrum.

Vel etiam, quoniam angulus ad A diametro & subtenfa comprehensus in omnibus quadraturis semper est idem (propterea quod EB semper ex eodem diametri puncto excitatur) Data aliquâ rectâ, abscindatur à subtenfa A B (continuata etiam si opus sit) portio æqualis quadranti rectæ data: & è puncto resectionis demittatur in diametrum (itidem si sit opus, productam) perpendicularis: eritq; abscissa portio diametri segmentum majus, ut prius, per 2. VI. Eucl.

F I N I S.

Pag. 6. lin. 19. & 20. lege: ut secunda ad primam.





Oddział Konserwacji
Biblioteki Jagiellońskiej
marzec 1988 r.

